

Broj: 05-02-5-2566/19
Sarajevo, 23.04.2019.godine

PARLAMENT FEDERACIJE BiH
DOM NARODA
Sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priloga	Vrijednost
05/2-02-	35/19

PREDMET: Odgovor, dostavlja se

Veza: Vaš akt broj: 05/2-02-35/19, od 04.04.2019.godine

Poštovani,

Na 1. sjednici Doma naroda Parlamenta Federacije Bosne i Hercegovine, održanoj 01.04.2019. godine, uvaženi delegat g-din. Aner Žuljević postavio je delegatsko pitanje, koje se odnosi na pokretanje Inicijative za izradu Zakona o izmjenama i dopunama Zakona o fiskalnim sistemima.

Na dostavljenu delegatsku Inicijativu dajemo sljedeći:

ODGOVOR

Nakon višegodišnje primjene Zakona fiskalnim sistemima („Službene novine Federacije BiH“, broj: 81/09), od 01. 01. 2010. godine, koje je dovelo do većeg stepena evidentiranja prometa i povećanja priliva sredstava u budžet povećanjem stepena naplate PDV-a obveznika sa teritorije Federacije BiH, povećanja koeficijenta doznačavanja prihoda sa Jedinog računa za Federaciju, smanjenja nelojalne konkurencije, boljeg uređenja tržišta, zaštite potrošača, registrovanja podataka o transakcijama i prometu artikala, povećanja efikasnosti kontrole poreznih obveznika, ukazala se potreba za jačanjem nadzora nad provođenjem zakona i kontrole od strane kontrolnih organa kao i strožijih kaznenih mjera za nepoštivanje zakona. S tim u vezi, Federalno ministarstvo finansija je izvršilo analizu primjene zakona i radilo na izmjenama zakonskih rješenja.

Također, Vlada Federacije BiH na svojoj 65. sjednici održanoj 18.08.2016. godine donijela zaključak kojim je zadužila nadležna ministarstva da razmotre i usuglase izmjene propisa koje utječu na smanjenje razvoja „sive ekonomije“ i između ostalog zadužila Federalno ministarstvo finansija da pripremi izmjene i dopune Zakona o fiskalnim sistemima.

Prateći navedeno, Federalno ministarstvo financija je u junu mjesecu 2017. godine Vladi Federacije BiH uputilo na razmatranje Prednacrt Zakona o izmjenama i dopunama Zakona o fiskalnim sistemima.

Dom naroda Parlamenta Federacije BiH je na 18. vanrednoj sjednici, održanoj 19.04.2018. godine, razmatrao i prihvatio Nacrt Zakona o izmjenama i dopunama Zakona o fiskalnim sistemima. Nakon usvajanja od strane Predstavničkog doma Parlamenta Federacije BiH, Federalno ministarstvo financija, kao predlagatelj, će u skladu sa Zaključcima domova organizirati i provesti javnu raspravu i pristupiti izradi Prijedloga zakona.

Također, ističemo da je u 2018. godini Federalno ministarstvo financija, sa svim akterima uključenim u proces fiskalizacije pokrenulo aktivnosti u cilju funkcijskog i tehničkog unapređenja sistema fiskalizacije u Federaciji BiH po pitanju poboljšanja postojećeg stanja, usaglašavanja prijedloga oko dogradnje sistema fiskalizacije, tehničkih mogućnosti/rješenja i ostalih pitanja.

Imajući u vidu kompleksan sistem i velik broj aktera uključenih u sam proces, neophodno je detaljno definirati aktivnosti i mogućnosti po pitanju primjene naprednih informacionih tehnologija za povećanje kapaciteta i brzine podatkovne mreže, uvođenja dodatnih sigurnosnih mehanizama, infrastrukture IT sistema PU FBiH i troškova oko dogradnje iste, tehničkih rješenja i izmjena potrebnih sa strane zastupnika/proizvođača i distributera fiskalnih uređaja, mogućnosti prilagodbe postojećih fiskalnih uređaja i prelaznog roka u cilju što manjeg trošavnog opterećenja obveznika, izmjena i dopuna propisa, kao i izvršiti praktična testiranja u realnoj primjeni glede mogućnosti primjene naprednijih tehnologija za unapređenje sistema fiskalizacije.

Prema tome, da bi se pristupilo izradi Zakona o izmjenama i dopunama Zakona o fiskalnim sistemima, s ciljem uvođenja nove informacione tehnologije, potrebno je predhodno realizirati navedene aktivnosti, koje aktivno provodi Federalno ministarstvo finansija sa svim učesnicima u procesu fiskalizacije. Naglašavamo da se navedene radnje odnose na uvođenje nove informacione tehnologije u tehničkom smislu i da se radi o sistemskim rješenjima procesa fiskalizacije za koja su potrebna sredstva za dodatne troškove Poreznoj upravi Federacije BiH, poreznim obveznicima kao i proizvođačima za razvoj uređaja.

S poštovanjem,

MINISTRICA

Jelka Milićević



Dostaviti:

1. Naslovu
2. G-dinu Aneru Žuljeviću, delegatu u Domu naroda Parlamenta Federacije Bosne i Hercegovine
3. Sekretar Vlade Federacije Bosne i Hercegovine